



Plan for psykososialt kriseteam

Aukra kommune

Dato siste versjon: 11.2.2021

Innhold

Mål og definisjon psykososialt kriseteam	3
1.1 Mål for psykososialt kriseteam	3
1.2 Definisjon	3
1.3 Psykososialt kriseteam si rolle.....	3
2. Ansvar og organisasjon.....	3
3. Oppgaver	4
3.1 Beredskap	4
3.2 Varsling	5
3.3 Informasjon.....	5
3.4 Oppfølging ved hendinger.....	5
3.5 Dokumentasjon	6

1. Mål og definisjon psykososialt kriseteam

1.1 Mål for psykososialt kriseteam (Heretter PSK)

Hensikten med psykososial kriseberedskap er å yte støtte og hjelp til dei som er involvert i ein krisesituasjon. Målet er å redusere dei psykososiale skadeverknadane av hendingar, og førebyggje utvikling av kronisk psykiske lidningar, særleg for barn og unge.

1.2 Definisjon

Med **krise** forstås ein i denne samanheng dramatiske og potensielt traumatiserande hendingar som kan ha store psykososiale verknader på familien og/eller andre i nærmiljøet. Dette kan vere brå og uventa død av nært familiemedlem ved sjølv mord, ulykker, valdshandlingar eller barnedød. Dette gjeld også når hendinga har skjedd utanfor kommunen.

1.3 Psykososialt kriseteam si rolle

Psykososialt kriseteam si rolle i en krisesituasjon vil ofte vere:

- Vere kontakt på krisestaden like etter at krisa har hendt.
- Gjennomføre samtalar, oppfølging og hjelp til dei som er råka av hendinga
- Rådgjevande funksjon

Alle skolar, barnehagar og andre institusjonar skal ha sin eigen kriseplan men tek imot fagleg støtte og hjelp frå psykososialt kriseteam.

2. Ansvar og organisasjon

Psykososialt kriseteam blir organisert under eininga Helse.

I psykososialt kriseteam sit fagpersonar med ulik kompetanse. Pr dd er det fylgjande samansetning av teamet:

- Kommuneoverlege
- Psykiatrisk sjukepleiar (Leiar)
- Psykiatrisk sjukepleiar
- Helsesjukepleiar
- Prest

Kriseteamet er ei tverrfagleg samansett gruppe som har ansvar for tidleg psykososial oppfølging. **Kriseleinga i kommunen har ansvar for å velje medlem til kriseteamet.** Operativ leiar i kvar enkelt hending vil variere alt etter hending og tilgjenge.

Kommuneleinga har det overordna ansvar for det PSK, og når det gjeld lønn og kompetanseutvikling. Kommunen omdisponerer egne tilsette frå relevante tenestemråde til dette

arbeidet.

Overordna beredskapsplan for Aukra kommune skisserer kommunens kriseberedskap. Kriseleiinga er ansvarleg for koordinering, organisering og iverksetting av tiltak knytt til omfattande ulykker eller katastrofar og etablerer «Evakuert- og pårørende senter» (EPS).

Når EPS er etablert, rapporterer leiar for psykososialt kriseteam til leiar ved EPS. Leiar av psykososialt kriseteam er ansvarleg for å leie/koordinere og ivareta det psykososiale kriseteamet sine faglege oppgåver knytt til dei det gjeld ved EPS.

Ved mindre omfattande kriser der kriseleiing ikkje vert sett, vert krisesituasjonen handtert av psykososialt kriseteam aleine. I tilfelle der psykososialt kriseteam opererer aleine, orienterer leiar av kriseteamet kommunalsjefen. Når det gjeld andre kritiske hendingar eller situasjonar som er mindre akutte, vert desse handtert gjennom det ordinære tenesteapparat.

3. Mål og oppgåve

Mål og oppgåve for psykososiale tiltak ved kriser, ulykker og katastrofe er skissert i rettleiar frå helsedirektoratet. Denne rettleiaren vert lagt til grunn for psykososialt arbeid. Den psykososiale oppfølginga har som mål å fremme meistring i ei akutt fase, halde oppe sosial fungering og bidra til at reaksjonar og symptom vert dempa. Videre skal teamet legge til rette for vidare oppfølging hos det ordinære hjelpeapparatet dersom det er nødvendig.

Ved aktivering vurderer leiar kven som skal kallast inn.

3.1 Beredskap

Teamet har ingen beredskapsvakt og aktivering er avhengig av at ein er i området og har høve til å rykke ut på kveld, helg og feriar.

Det er som oftast politiet, lege, legevaktsentral, ambulansepersonell eller prest som først får kunnskap om ei krise (primærkontakt). Innkallingslista med opplysning om det psykososiale kriseteamet sine medlemmar med namn og telefon, (kontor, mobil og privat) skal være tilgjengeleg ved operasjonssentralen til politiet, legevaktsentralen, AMK og kommuneleiinga.

Leiar for psykososialt kriseteam følgjer opp lista over medlemmane i kriseteamet og sender den ut til aktuelle instansar ved endring.

3.2 Varsling

Legevakt, lege, AMK, politi eller kommuneleiing kan varsle om behov for hjelp.

Dersom primærkontakten vurderer det slik at kriseteamet bør verte varsla, skal leiar for psykososialt kriseteam først verte kontakta, eventuelt anna medlem dersom leiar ikkje er tilgjengeleg. Leiar av teamet vurderer behovet for å mobilisere teamet og koordinerer oppdraget vidare. Leiar kan delegere denne oppgåva til eit anna medlem som då vert operativ leiar i den konkrete hendinga.

Når psykososialt kriseteam vert nytta, skal leiaren av teamet /operativ leiar aktivere teamet så snart som mogleg for å fordele konkrete oppgåver.

3.3 Informasjon

Politiet har informasjonsansvar i den akutte fasen. Dei kan også informere om at det kommunale psykososiale kriseteamet følgjer opp dei som er ramma av hendingar. Ved omfattande kriser har **kriseteamiinga i kommunen egne rutinar i høve til informasjonsarbeidet, sjå overordna beredskapsplan.**

Ingen informasjon skal verte gjeven utan at omsyn til personvern er vurdert i høve til reglar for teieplikt, dvs. samtykke.

3.4 Oppfølging ved hendingar

Leiar for psykososialt kriseteam/operativ leiar har ansvar for å gje oppgåver etter kompetanse, kjennskap/nærheit til dei det gjeld, praktiske høve etc. Arbeidet skal vere tufta på kjente metodar for psykososialt krisearbeid. Dersom ein treng kompetanse ut over det kriseteamet har, har leiar ansvar for å søke hjelp utanfrå.

Teamet sitt arbeid etter ei krise skal være situasjonsbestemt og avgrensa i tid. Kriseteamet overfører, med samtykke frå dei det gjeld, ansvaret for oppfølginga til ordinært tenesteapparat, så raskt som mogleg etter den akutte fasen. Før kriseteamet avsluttar arbeidet sitt prøver ein å få til eit evalueringsmøte med råka partar.

3.5 Dokumentasjon

Korte notat med namn, adresse(r), tid og stad for hendinga og opplysningar om kven som gjer kva skal førast etter ein eigen mal/logg. Loggen er unnateke det offentlege og skal oppbevarast utilgjengeleg for uvedkommande, jf. journalforskrift. Loggen skal oppbevarast tilgjengeleg for kriseteamet.

All oppfølging i forlenginga av den akutte krisa av enkeltpersonar, individuelt eller i grupper, skal dokumenterast i godkjende fagsystem.